

執齋先生文集

執齋先生文集卷六

七言律詩

壬申五月至共有作

路入共城四望開  
遶城車馬動春雷  
師儒共喜先生至  
父老爭迎令尹來  
亭上古碑空歲月  
壁間新句未塵埃  
綠筠難比甘棠樹  
也是當年手自栽

留題百門山

十年重到百門山  
華棟依然碧竊間  
春雨幾回龍化去  
月明時送鶴飛還  
湧金混混天開孔  
環翠欣欣地駐顏  
老我無能資樂育  
敢同年少學偷閑

又題書院

百泉千古有餘芳  
濟濟衣冠入講堂  
邵子別傳周典禮  
姚公堪繼漢文章  
嘯臺天淨鷺魚樂  
梅圃春融草木香  
爲語諸生須領悟  
濯纓吾欲詠滄浪

陝州

城郭人家擁郡堂  
小渠流水越重岡  
中條雲氣連嵩華  
砥柱河聲歷夏商  
老子壇荒餘古檜  
召公祠在憶甘棠  
義昌東去皇華路  
獨倚危闌望帝鄉

澠池道中

韶山一望鬱巖峩  
澗水初分勢漸遙  
車馬幾回登峻坂  
耕

桑初喜見平郊會盟臺廢鴉爭粟觀奕巖虛鶴墮樵欲訪  
時賢詢往事月川祠廟草瀟瀟

偃師懷古示諸生

邑有伊尹墓伯夷祠

武成功業被當時千古嘉名記偃師歸馬又經伊尹墓倒  
戈終愧伯夷祠緱山夜月仙遊遠洛水秋風故國移坐對  
諸生歌峻極生才今喜際無爲

自鞏洛趨汴晚至鄭州

行役鬢鬢晚未休板輿臨澗復經丘疲民稍喜停輪馬遠  
戍初聞解佩牛千里斷虹分宿雨一鈎斜月掛新秋稀微  
燈火知何處子產城邊乞巧樓

夜坐有懷

世業相承祖子孫累朝何以報深恩詩書道屈伸猶屈忠  
孝心存死亦存偶出烟霞依日月忽逢雷雨洗乾坤燈前  
有感忠良事掩卷沉思過夜分

謁湯陰岳武穆祠

侍中此地遺忠憤天遣英雄此地生蕩水尚留聲哽咽太  
行終與氣崢嶸奸臣萬死羞台鼎黠虜千秋畏甲兵拂曙  
古祠停馬拜西湖回首不勝情

秦始皇

密縣有始皇墓

豈知天意待歌謳盛衰蒼生血未休霸業將來終楚漢治

功從此不商周長城萬里華夷震馳道千山草木愁誰信  
鮑魚風散後阿房離黍不勝秋

赭陽感懷併示諸生

赭陽斜日引行旌瓦礫荒墟得故城亂骨未收宛血染殘  
民相倚夢魂驚江山難洗瘡痍恨草木宜知慷慨情秦運  
漸回吾道泰勉將忠孝啓諸生

京口登驛樓值雨東林太守廷元

樓檻憑虛積暑清海風吹雨覺寒生湖聲徑觸金山寺雲  
氣橫連鉄甕城千古英雄堪灑涕百年樽俎漫留情使君  
曾次桑麻地定有歌謠祝太平

題扁舟獨釣圖次泉山老先生韻

落魄江湖一葉舟，釣壚寧羨月為鈎。  
雲山隱隱蛟龍夜，風葉蕭蕭鴈鴛秋。  
幾欲鳴榔凌弱水，更疑飛觀隔瀛洲。  
綠簑青箬紅塵外，絕勝人間紫綺裘。

觀風長樂書事

閩中冬盡似新秋，翠篠黃花滿道周。  
酒市喧喧晨集散，炊烟漠漠晚田收。  
山腰疊石通官驛，浦口乘潮進客舟。  
惟有里胥征歛苦，寒來踈葛當輕裘。

南壇齋居夜望

齋居清夜遠塵蹤，徙倚危軒一笑同。  
西峽江流雲氣外，南

臺入語月明中龍園淪鼎鼎香仍瀉塵尾揮塵興未窮簷  
定知裡祀意隔墻時送珮丁東

次白石山房韻

白石山房碧海邊畫拋青簡付流年輞川圖在無聲外太  
乙光垂有象前松徑樵童空睥睨蕭汀漁叟任延緣道原  
咫尺鷺飛地應許醯鷄出甕天

南安書事

清源紫帽兩嵯峨山下平疇映碧波樓觀欲吞閩海盡旌  
輶來自晉江多青衿濟濟雲邊路黃犢紛紛雨後蓂為語  
牛刀圖治客莫愁無地着弦歌



泉東山行隔溪見仙觀不果入

碧山隱隱見樓臺，知有神仙洞府開。  
嵐影溪中流不去，花香林外隔還來。  
紫簫縹緲疑鸞馭，丹竈氤氳想鶴胎。  
慚愧邯鄲道上客，青駒回首自塵埃。

登鼓山次毛先生韻

翠鰲舟鳳冶城東，冠蓋追隨躡曉風。  
澗水近輸山雨碧，石花遙襯島雲紅。  
心懸北極纖雲淨，目盡南閩萬壑空。  
欲向群仙問消息，窮簷何日化歌鍾。

偶書

醉後樽前舞酒卮，此狂無復少年時。  
曾搜今古難書久思。

風雲索句逢駿馬長途驚決驟危橋獨木慣矜持丁寧  
松桂吾將隱培爾秋來雨露姿

連江東湖祠堂

三今祠堂湖水邊舊詩新頌總堪傳九溪春釀千山雨八  
牌秋腹萬頃田松楸故應知往事在蘋寧復記流年承家  
謬忝觀風後欲賦丹青愧鄭虔

東湖道中書事

板輿軋軋勝輪蹄慚愧無功及庶黎雲際山連天上下雨  
餘泉逆路東西古墳有主雙松立野寺無僧獨鳥栖却喜  
菑畝通遠近綠簑黃犢正堪犁

仙村

路轉俄聞鷄犬聲柴扉開處白雲生簷花稚女有嬌態倚  
竹老翁無俗情靈藥雨餘閑自長好峯雲外畫難成沿溪  
剝有桑麻地擬卜隣居事耦耕

茶洋驛次陳大叅韻

日上簾鉤卷落鴉驛庭人散似仙家懸崖飛瀑疑聞雨淺  
瀨沉江欲見沙燈下豪吟空擊節壁間清句已籠紗夜深  
莫作思鄉夢擾擾群生正可嗟

茶洋次韻酬查忠齋

醉筆淋漓舞墨鴉論詩君合大方家窓間籜迸風翻雨門

外舟喧浪捲沙抵掌尚堪揮白羽掀髯聊復岸烏紗明朝  
又聽陽關唱玆重金蘭莫浪嗟

曉坐有懷

曉風寒透舊貂裘強對金樽未解愁干羽故應清字甸牙  
旌何許昔林丘鴈將踈影來千里菊吐微香傲九秋鵝嶂  
龍溪相憶否青藜久已夢書樓

次張大經先生詠留侯

韓相丹心史傳幽謾將三傑擬同遊怒存博浪沙中擊喜  
在芒碭氣外浮兵畧早後黃石投朝簪終爲赤松投誰知  
辟穀輕身後能使宜鴻去復留

經黃石磯

黃石磯邊野草羞平生奸宄片時休謾將鷄犬雲中試無  
復豺狼月下遊皖水豈能窺鉄甕洪都空自惜金甌漁翁  
撫掌嗟竒識爭似烟波理釣舟

正德己卯寧藩造逆出湖口掩安慶駐于江北詢其  
地適名黃石磯嘆曰吾謀之十年乃陷于此蓋黃石  
磯與王失機其音相近故也俄而敗去可謂竒識矣  
著之以爲不仁者之戒

余忠宣公祠

裹血膺城憶壯謨古祠停棹酌寒蕪華夷何地非臣子俯

你惟君是丈夫十壺戰殘餘將校張巡死去更妻孥欲將  
宋傳礪巖石彭蠡東來見小孤

崇烈李公祠

長江日夜撼孤城猶似當年戰水兵千古不消英烈氣百  
年無忝甲科名義均余闕知同死才過周瑜耻獨生幾度  
扁舟祠下過匡廬烟雨不勝情

駕至江都

紫宸清蹕下丹青吳楚妖氛已盡消戎幕謾誇金印重仙  
家寧羨綺窓遙雲邊貔虎隨鷓鴣水底魚龍識鳳簫醜酒  
推牛臣子事可堪戰伐愧魚樵

京口書事

海上金焦跨渺茫，鑿輿忽送北風航。  
巡遊愈覺京師遠，供饋其如井邑荒。  
報國計同秋鬢短，憂時心與夜燈長。  
此生久被巢由笑，何處人間千仞岡。

候駕慈僧房至日作

禪館沉沉晝漏稀，感時偏覺壯心違。  
群黎幾度歌于蒺，多士當年賦采薇。  
木葉隨風驚世態，梅花凌雪任天機。  
閉關欲候陽和長，慙愧高岡未振衣。

維揚感興

維揚南北襟喉地，自昔繁華勝益州。  
木鶴可能醒客夢，瓊

花空復憶仙遊朱欄碧瓦吳山出錦纜牙檣汴水流  
不知填海錄令人千古恨悠悠

次韻簡器之約遊鷄鳴山

雨後黃花作意秋風前征鴈未能休頗遭白髮催看鏡稍  
喜清樽慰倚樓詩老故應懷杜曲仙家空自夢羅浮鷄鳴  
咫尺不一到爛却烟霞誰與收

督師寄勉諸兒

少年直擬學屠龍此日頭顱漸已翁瞑眩未能瘳已疾顛  
連何以濟時窮風清露湛天容肅菊秀松森野趣濃寄語  
弓裘窓下客新涼宜趁及時功



留題玩華亭奉簡九華君并懷青蓮居士

珥節青陽已見星  
曉披雲霧玩華亭  
江間半面我頭白  
溪上大觀君眼青  
一一峯巒真可數  
重重紫翠似曾經  
謫仙書屋今何在  
擬斲松根采茯苓

贈別曾子文

秋風惜別廣陵船  
三顧雙溪路幾千  
家學足爲科第重  
師模肯向利名先  
青編獨對時三省  
彩筆長揮日幾篇  
恭進一新君子進  
雲衢着着社生鞭

京口次韻白巖

鐵城秋望入微茫  
萬頃真成一葦航  
瘞鶴銘亡山寺杳  
藏

春塢在石田荒天涯客棹自來去風外漁歌時短長擬向  
群鷗賦招隱忽聞鳴鳳碧梧岡

高郵次韻留寄白巖

孟城見月已深秋歸棹匆匆晚未休林下漸藏元亮逕驛  
邊微露仲宣樓疎燈弄影湖光動薄袂生寒露氣浮遙憶  
仙舟何處所幾多佳句錦囊收

送咸表弟通判湖州

亦中兩地著甘棠別駕新除向海陽鱷水東移民俗化鳳  
山西聳土風揚閭閻曉沛三春雨齋閣秋嚴五夜霜堯佐  
昌黎遺俗在莫辭勤苦佐黃堂

寧藩變後曰卿姪來省告歸賦此

清時驅策厭戎車  
欣見吾家千里駒  
風雨笑談浮慮盡  
江山遊覽壯懷俱  
離進又送陽關酒  
行橐仍携鄴架書  
孝友世家遺澤遠  
欲因狂斐賦歸歟

遊報恩寺同白巖追和涯翁詩韻

塔外晴嵐湧翠濤  
天開圖畫助吟豪  
笑攀風背雲鵬翻  
怒拔月心霜兔毫  
琳宇俯窺僧界靜  
金陵回望帝城高  
晚涼又送樽前雨  
洗盡人間塵土勞

登金山

雨過金山霽色開  
江心高下見樓臺  
舟從鵲石巖邊轉  
人

路留雲嶺上來兀術尚遺亡虜恨允文粗展濟時才只今  
世恭留都近贏得憑闌對酒盃

又

奇石凌波湧化城只疑鰲背寫丹青埋金地迥消塵土浮  
玉天空盪日星京業諸山連北固荆揚衆水會中冷欲尋  
張許題詩處惟有新墓瘞鶴銘

詞 陵道中石潭限韻

天際輕陰散曉風昌平遙指太行東林間漠漠炊烟碧花  
外亭亭酒旆紅遊子芳塵嗟後樂農夫時雨憶先公劉蕡  
祠廟經過地何限幽情感慨中

又 陵上限韻

天壤精竒莫此山七陵深在五雲間神宮盡日瞻龍馭華  
表何年化鶴還雨露恩深芳草合化生功就落花開於皇  
欲效周人頌膚淺湏煩大史刪

贈林汝桓次山齋韻

郎曹抗疏陳中悃謫宦飄然向海門今古斯民皆直道乾  
坤何地不深恩依依楊柳凌風旆耿耿梅花掛月村莫道  
夢槎先有識濟川此意共誰論

泰陵次韻

魏魏功德比丘山十八年餘亮萬間政事脩明時弊革老

成筮用古風還衣冠寂寂神宮闕  
方劍飄飄輦路閑  
白髮侍臣頻拜謁  
舊詩嗚咽更重刪

康陵次韻

陵前芳草又春風  
輿馬紛紛驛路東  
時享設聞樽泛綠  
夜龕惟見燭搖紅  
輪臺詔下無遺恨  
金匱盟存有至公  
十載賜環空竊祿  
不勝惆悵雨聲中

送李宗器司空督理河渠

都臺簡命拜司空  
霜節星軺下九重  
河濟舊流非禹迹  
徐邈新漲有堯封  
耕耒半在堤防後  
疏引全歸漕運中  
賈魯未應輕賈讓  
早收群策奏成功

送成國朱公詣安陸祭告

上公將命致明禋，海宇欣瞻聖孝弘。  
千古丕基尊濮邸，百年佳氣藹春陵。  
星輶到處衣冠集，玉冊開時俎豆陳。  
歸報定知恩渥重，咨詢還看劍章騰。

次韻素翁輓黃伯固

旅邸倉皇密問棺，秋深轉覺病軀難。  
夢鄉不阻雲山幻，境真同電露觀新。  
擬詩題誰共賦，舊藏書稿恐重看。  
故園埋玉知何處，半畝松楸雨露寒。

又

漠漠秋空望眼橫，清時何地着旃旌。  
囊書謾想垂衣化，抗

甌寧誇折檻名澤畔更無人獨醒窓前惟有草長生金張  
世業夷齊餓千古回看孰重輕

送俞司空江藩冊封

明時恩禮重親親藩邸分封遣近臣玉牒丹書盟已舊  
紫泥金檢墨猶新飛雲簾捲廬山曉踏雪詩尋浙水春  
莫向江湖耽後樂鸚鵡班仙履聽星辰

送蔡僉憲之蜀

曾見驚濤犯逆鱗攀龍今喜際昌辰安危一息等呼吸  
舉措萬幾關咲壘豸服新瞻天闕腕輶車遙指雪山春  
武侯祠廟遺碑在吟罷新詩爲拂塵



送柱御姪赴金華同府

九階一轉接亨衢，共羨吾家千里駒。  
朱紱明時新冠帶，黃堂清書舊圖書。  
仁風士友供垂榻，竹馬兒童款副車。  
聞道郡中遺俗好，白雲門下近何如。

贈方思源改威縣令

幾年甲第羨英才，杯酒重逢郭隗臺。  
鳧舄却迴蒼海上，牛刀聊試紫山隈。  
伊顏舊業薰耕李，召杜餘功化草萊。  
珍重政成先奏最，太微天近烟三台。

送王應時赴襄陽太守

故國文華尚典刑，清年鶴髮又專城。  
陽春白雪知音在，漢

水方山別思輕吾道治民先禮樂明時良吏盡公卿久聞  
峴首留芳譽拭目期君政有成

趙錦衣別業醉呈清溪諸公

宿雨初晴見遠山喜陪軒蓋出南關太平有象耕桑樂清  
吏無能獄訟閑芳樹雲凝花塢上玉泉春滿稻畦間主人  
愛客吾先醉隨意詩成一笑還

阜城冬至

阜城兩度駐征軒堂上書云又一年隴麥尚封晴雪後江  
梅應綻曉風前祝禧官舍瞻仙仗拜慶親闈憶壽慈獨喜  
閉關培養地微陽生處已森然

東阿即事

恒岳南來望岱宗，東阿猶在峪山東。  
林邊古寺臨流見，水上海橋架木通。  
欲向閭閻詢善政，祇應鄒魯尚淳風。  
故交零落新知遠，幾許幽情悵望中。

顏瓌墓

顏公沛今廬陵人也。建文未死節。

社稷安危隻手支，綱常輕重此心知。  
未驅玄武門前騎，已拔毋陽鎮上旗。  
千古夷齊真義士，百年忠孝有佳兒。  
荒墳偏洒行人淚，泗水東流無盡時。

次韻謝馬侍御津

傾蓋相過喜有餘，彭城佳勝著方輿。  
栢臺秋色停驂馬，芒

砌春香落盡魚愛日幾回歌樂只披雲時復頰猗歎起朝  
定有蒼生問西署昔慚席父虛

次韻顏梅田對雨有懷

宿雨新晴憶藥欄客窓岑寂夢初闌離離月映三更曉剪  
剪風生四月寒報國寸心餘耿介憂時雙鬢半彫殘詩來  
伐木愁難和坐對清樽藝紫檀

贈陳侍御謫教海陽

耻隨常調到公卿却喜承恩萬里行臺諫豈論監牧重  
師儒尤覺薦賢輕詩蕪驛路梅花吐囊有卦章海氣清昭  
代明揚先樂育棟梁庭下喜諸生

南郊遊 駕次韻素翁

六龍騰踏響如琴  
春入南郊霽色深  
雲擁翠華風漸軟  
天回黃道日初臨  
濟銷共喜逢時泰  
淵穆應和協帝心  
莫道賡歌千古遠  
典謨遺迹尚堪尋

重九呈同行諸公

旅泊清源聽曉鴉  
忽驚佳節又黃花  
情憐淺渚漁舟繫  
目送長空鴈字斜  
良會喜逢觴玉甃  
憂時聊復片烏紗  
登高取底俱能賦  
莫遣微霜點鬢華

輓王改齊

幾年謫宦憶陳謨  
詞館初歸志未孚  
思入故園芳草迥  
夢

京師月明孤人聞未必無顏蠟地下還應有董狐歌罷  
猶招天漠漠不知何許致生芻

昌平歸途

寒帷拂拂受風吹過却清明尚未知幾樹嫩黃將弄影一  
灣澄碧已含姿墻間遠見遊人醉隴上時逢稚子嬉廊廟  
山林吾意在故園花鳥莫深疑

涿鹿道中

雲晴遙指太行山粉堞朱甍碧靄間瀛海北來瞻魏闕蘆  
龍東去控燕關農夫近夏耕初動軍士經春戍未還借問  
黃金堂上客何人敷奏動龍顏

彭門懷古

九里雲龍山名  
百丈呂梁洪名

鴻門宴罷更彭門  
虎據龍爭跡尚存  
古樹棲鴉韓信壘  
帝堊衰草范增墳  
九雲地峻諸山合  
百呂梁深二水奔  
猶有黃樓堪遠眺  
擬携樽酒訪遺文

寄家訊

持節歸朝春已分  
故鄉回首思紛紛  
蓉山秀色擦詩句  
蘭圃幽香撲酒樽  
乍呈鴈行雲外見  
五更鷄唱雨中聞  
誰知骨肉團欒處  
書信傳時正倚門

彭城被水泊舟子房山有感

河水東來隘呂梁  
彭城無地繫舟航  
城根濤浪翻秋雨  
渡

白草漚漚夕陽天黍已空仍賦歛茅茨何在半流亡  
無策蘇民困坐對青山憶子房

淮陰祠

漢家三傑更誰過一死其如史傳訛執戟雅能辭武涉登  
壇端復怨蕭何危機委曲直王印遺恨殷勤壯士歌千古  
淮陰祠下石夕陽誰與洗秋波

途次遇王敷英口占贈之

風雨淒淒倦客程故人相遇若為情百年報國丹心在一  
夜憂時白髮生別後謾勞書遠寄燈前何惜酒頻傾還家  
寄訊隆中客暫覓城南數畝耕



宿龜山

長淮日夜赴東溟千里龜山一抹青  
神禹尚留跡鑿在支祁空鎖水雲腥  
棹歌隱隱聞前浦漁火微微認遠汀  
明發王程阻登眺數聲清磬古祠扃

甲都

聖祖當年此地生擬開豐沛作神京  
成周再定乾坤泰象魏常懸日月明  
山拱荆塗連北斗水吞淮泗注東瀛  
曉披瑞藹瞻陵寢風檜猶疑雅頌聲

登第一山遊瑞巖觀留題

玻璃泉上訪仙關勝景常聞第一山  
高壓樓臺瞻帝里

遠飄鍾磬落人寰  
淮流地拱千年險  
樽酒天留半日閒  
欲起英雄詢往事  
磨崖惟有字斑斑

元日德州拜節書懷

菊月乘舟別帝都  
履端車馬尚征途  
山呼自信孤忠在  
靈宿從教兩鬢疎  
細數年華驚爆竹  
漸看春色上桃符  
故鄉此日屠酥酒  
知費諸君幾百壺

寄輓水村

番老南遷已斷魂  
更堪荒草塞孤墳  
鄒陽尚恐吳潘重  
袁盎寧忘漢室尊  
千古是非勞士論  
百年榮辱託君恩  
交遊落落誰青眼  
獨向天涯酌酒樽

瀛海書事東何巡撫年兄

瀛海塵清雪未消，憑軒一望盡瓊瑤。  
堤邊客騎繁長路，水上漁舟簇小橋。  
千古陂塘餘種柳，百年硝蘘尚微苗。  
故人近在旬宣地，應有嘉謨達聖朝。

銅城次小泉韻

佳節來過尚閉關，詩題欣見舊登壇。  
青徐驛路開千里，岱嶧山光遶四闌。  
踏雪客逢杯送暖，迎風人苦袂生寒。  
欲尋河決經流處，惟有鹽渠跡未漫。

徐城寄朶

隆華重瞳百戰殘，晉城今許客躋攀。  
烟籠大澤龍蛇整，塵

空山虎豹閑歌斷樓前霜月冷石題詩後雨苔斑憑高  
目近飛雲遠極目長空去鳥還

又

危欄迢遞出塵埃遺跡蒼茫墮草萊放鶴客留蘇子榻射  
蛇人上楚王臺橋橫二水雙虹落城遠群岡百雉開莫更  
臨流羨舟楫只今容有濟川材

彭城阻雪

縱鶴亭前洒鶴翎夢龍陂上長龍鱗背城一水縈銀帶面  
郭三山展玉屏臺廢尚聞人出獵樓閑空憶客揚舲霸橋  
剡曲堪乘興凍合關河嘆梗萍

登廣視堂東諸君子

廣視堂前霽色開，江山如畫遠春臺。  
萬家屋傍魚汀出，千里帆隨鴈陣來。  
古廟尚存神禹跡，荒墳空掩禰生才。  
濟時幸有諸君在，莫訝憑高首重回。

神女祠

巫山綽約似新粧，江水縈回空斷腸。  
花落石壇遺廟在，鶴歸郢樹故城荒。  
更無辭客瞻雲氣，猶有詩人識雨香。  
欲向麻姑問消息，千年誰見海塵揚。

感懷次韻

淵明久已賦來歸，塵土吾慚未拂衣。  
身外危幾榮更辱，曾

中直道是還非故鄉酒有黃花釀遠浦帆隨白鴈飛咨  
移忠原一致敢將寸草召春暉

又

卧憶鍾儀聽楚歌省愆俄已再旬過月斜牕戶寒光薄雨  
後衾裯沴氣多鴈陣忽疑鄉邑信鷄鳴時誤早朝珂平生  
磊落憂民地回首江湖意若何

奉別沂樂

西風昨夜曉霜寒把袂匆匆歲又闌雙棹不知歸路遠一  
樽將別故交難高門稚子應相候老圃梅花正好看吾道  
行藏關世運詩筒毋惜報平安

歸舟夜坐次韻梅田

時自刑部前還下同

夜攤經史燭頻更千古行藏義自明學道非干三釜重濟  
時曾拔一毫輕竦星隱樹離離見急溜迎風澆澆鳴莫道  
南歸忘北闕蒺藜花終是向陽傾

書懷次韻北山

儒生夙昔誤青袍功業無成已二毛袖手風雲雙短劍側  
身江海一輕舸交遊漸覺如冰泮世故從教似蠶絲英領  
清樽兼綠綺醉吟南畝卧東臯

初歸

得歸已恨掛冠遙猶及梅花未落時騷客每懷南國頌故

人休誦北山移蒼松落落歲樵逕白鳥紛紛傍釣磯三復  
常編聊隱几恍疑身世在希夷

寫興

塵外高風接笋輿亂山高下路崎嶇張羅正自門無鳥鼓  
缺何須食有魚堂上墳籠供一樂庭前詩禮付三餘多栽  
松竹歲吾逕不用隆中覓草廬

寫懷東熙齋并同社諸君子

解組歸來覓草堂故人應笑髭蒼浪舊培松竹知誰健新  
種芝蘭訝許長南澗濯纓歌孺子北窓高枕夢皇久聞  
洛社多耆俊一借雲山作醉鄉



又

宦遊歷歷似垂堂僚友紛紛失老蒼  
伎倆故應漸五短文章寧復羨三長  
遠分風月從營道小築林泉擬替皇  
一卷黃庭清晝永更須何地覓仙鄉

幽居

塵外幽居愜素心一枝聊復寄雲林  
鷲山高並蓉山秀龍水清連潁水深  
招隱豈無人獨往問竒還有客來尋  
教兒夜閉青藜閣莫遣虹光燭太陰

春遊東士灰

五雲樓上步從容何處携樽一笑同  
柳染青黃春雨後山

凝紫翠晚晴中  
傍花子欲尋真樂學稼吾應愧老農  
試向蓬瀛問消息  
飛霞一線海濤東

塞上

塞上清塵晝  
冥然轅門刀斗夜  
猶傳月明遠  
探雲邊  
戍春暖新開  
磧外田鎧甲  
有時生蟣虱  
兜鍪何日出  
貂蟬急呼樽酒洗  
飛將愧爾才  
名早着鞭

道卿留飲阜民門并柬熙齋

春暖城頭宿  
雨乾阜民花柳倚  
危欄  
鷺山秀出幾千里  
龍水清連第一灘  
道上遊驂瞻履舄  
雲間飛鳥狎杯盤  
故人剩有新詩句  
莫惜殷勤醉裏看

麻溪別墅

閱耕亭子小溪濱門巷逶迤遠市塵當座好山清似客定  
巢幽鳥熟於人卧龍水淺戡經濟抱犢雲深隔隱淪莫遣  
漁郎問消息枕流吾已厭知津

春遊

澹蕩春風步鳥輕沿村花柳愜新晴畫圖一似好山色絃  
管不如啼鳥聲茗椀蔬盤供散誕竹籬茅舍貯昇平舞雩  
樂在忘言外袂袂何須詠濯纓

卜居

城市常疑有是非故應空谷掩柴扉睡醒一鳥花間語坐

看孤雲雨外歸採藥客嫌松逕遠蒸藜人喜稻田肥不須  
青史徵前事瀟尾爭如杜德機

謾興

藜閣先生髮已華浪憑書卷作生涯人爲一介不容苟天  
性萬鍾何所加歲遣家僮多種秫時邀隣叟共看花蓬萊  
絕頂人誰到小隱蒼山也自佳

耕隱

賃得烏犍此結茅墾荒時復過山坳草堂水漫蛙成部花  
逕泥融燕得巢白水真人從羽化青州從事付神交鄰翁  
抱甕時相訊不用清時賦解朝

東華舊館題壁

華壇重訪思依依尚憶携書此振衣  
雕砌碑橫蝸篆集畫梁泥落燕巢稀  
丹青有路仙遊遠滄海無塵世態移  
慚愧東寮供酒意幾時何閣鳳來歸

雨中乏米對酒解嘲

宿雨晨炊藉石田隔窓鵝鴈各喧然  
周人未覺瓶將罄墨子渾忘突可烟  
簞食樂非吾道外壺飧憂在此民先  
西江涸轍何須問聊復豪吟付醉眠

穀日

新歲嘉辰次第過雨中春意恐蹉跎  
雲開新月已如許節

去清歡能幾何椒釀未空須  
酩酊梅粧猶在待吟哦少年  
爾辨尋芳樂吾老尋芳興更多

五雲樓邀二林通府

五雲樓檻倚晴空暇日携觴款二公  
章貢江聲絃管外芙蓉山色畫圖中  
十年契闊占星聚千里咨詢擬歲豐  
能賦登高慚潦倒凌雲歌罷見飛鴻

寫懷勉諸幼

落拓清時作遠遊蕭疎白髮已盈頭  
圍棋謾想商山樂倚柱能忘漆室憂  
畎畝有炊供一飯江湖無礙繫扁舟  
諸郎未省伊顏事更向青雲覓舊樓

折梅

山逕香隨杖鳥回膽瓶對臘凍猶開芳心不逐爐熏散清  
夢還隨月影來湖上重尋應有恨離頭相寄謾多才憑君  
莫話調羹事且共吟窓對酒杯

畫梅

綽約冬前萬斛春華光凝思恐難真移來洗硯池邊樹幻  
出羅浮夢裏人玉杵搗霜供換骨綺窓留月爲傳神素屏  
一幅懸高興掃盡熙臺筆底塵

癸巳新正試筆

桃帖重題歲又新依然門巷對雲岑齊家要在脩身處報

國常懷教子心  
殮菊故應無餒色  
佩蘭客亦有知音  
靜中獨抱先天易  
觀象研幾恐未深

元宵

上元獨坐憂春雨  
群從相過愜晚晴  
携酒莫辭深夜醉  
張燈又是隔年明  
金猊香噴重簾暖  
玉麈塵揮四座清  
簫鼓滿街人共樂  
聊將詩句答昇平

書樓寄興

書樓疑在畫圖間  
高下亭臺遠近山  
文廟數行松樹古  
仙潭一片白雲閑  
簑衣箬笠自耕牧  
竹杖芒鞋時往還  
欲問渭川莘野客  
高風可許後人攀



西隱卷爲朝第賦

芙蓉山下結幽居，水竹亭臺盡不如。  
半榻清風供嘯傲，一犁甘雨付菑畲。  
輞川樂在春遊裏，杜曲詩成午夢餘。  
聞道綵衣歌舞罷，密潭新釀醉芳腴。

送德鄉姪三水司訓

明時郡邑開三水，故國山川著五雲。  
宦業駸駸期接武，儒風濟濟喜同文。  
九霄奎壁清秋見，百里絃歌靜夜聞。  
師道由來關治化，勉旃濼洛繼餘芬。

輓十妹

清姿淑行比班昭，毀壁那堪賦短騷。  
白兔藥成虛月殿，青

鸞書去渺雲濤眼枯恨酒慈親淚腸斷愁聞孺子號回首  
桂山埋玉地鏡臺空鎖月輪高

送紹卿姪樂昌司訓

清時持鐸稱儒門官路梅花共爾論韶嶺樂猶遺跡在龍  
溪詩祇舊名存青衿濟濟時方赤黃卷雍雍道可尊老我  
育英真樂地勉旃高誼繼前聞

宴外舅西軒

乘龍幾度此登龍勝日高堂燕喜同萱砌伸榮穿瑞雪桂  
庭分秀倚春風飛觴令急愁先醉落筆詩成恐未工莫向  
潁川誇勝事德星今聚五雲中

題尚卿姪別墅

五雲郭外寄行窩，翁季同遊樂更多。  
花外風密開戶牖，樽前魚鳥聽笙歌。  
豐年自信留畚在清世，其如隱逸何小阮。  
情深吾已醉擬携書卷養天和。

慈生孫

充問佳氣曉葱葱，堂上欣聞叶夢熊。  
松桂故應常有子，棗榆寧患不為公。  
玉犀磊落聊相戲，湯餅逡巡豈待豐。  
珍重傳家書萬卷，聖功原自養童蒙。

九日值雨飲寒弟南樓

佳節衝泥客倦從，南樓聊復一樽同。  
菊花不負陶潛約，竹

葉真如杜甫工江上數峯迎晚翠雲端一鴈下秋風憑高  
愈覺雙眸迥廊廟間闕思萬重

約遊東華

擬向東華訪舊遊故人能共一樽否窓懸碧落山常在門  
倚孤松水自流跨鶴詩新堪獨賞換鵝書舊定誰收丁寧  
莫惜青藜杖要看虹光射斗牛

春卿姪席間口號同淇園弟

元方曾此楫青袍甲第重新喜俊髦龍水遠輸芹泮綠鳳  
山深拱杏壇高衣冠堂上詩情洽詞吹庭前酒興豪更約  
明年攀桂日月輪同捧出雲臯

飲食卿姪東華別墅

三醉東華別墅間樽前高興未能還  
坐窮繞郭千尋樹踏遍沿溪十里山  
冠帶影翻魚撥刺笙歌聲和鳥間關  
胡吟  
杜子登高句千古英風尚可攀

龍濟先生文集卷七

五言絕句

言志

丈夫志有爲四海不盈掬豈有千里駒而戀一升粟

車

車輪動不括夷險各適宜君看輪中軸百折終不移

舟

凌風十幅帆壓浪千尋柁舟中人安眠只訝山飛過

感物

鷄啄階前蟻微生亦可憐爾猶恣口腹吾欲廢烹煎

夜月

對月悲良夜含情不見君  
簫聲何處所縹緲隔行雲

送人

君向長安去長安幾日還  
故園春色好莫遺杏花殘

題畫

巖石有太古林花無四時  
寧知栖隱客不是帝王師

又

山碧秋雲瘦林紅夕照明  
溪流將綠綺寫作讀書聲

梁園

擬向梁園醉梁園迹已陳  
空餘桃李逕無復綺羅人

赴召南道中遇雨

舟行不避風車行不避雨兒女不

丈夫心自許

又

水行不怕蛟山行不怕虎世路多險巖志士心獨苦

子聲賞花次孔教韻同克謹長官

花園得春深久開猶未落上有翠盤露和香供晚酌

又

圓荷出水逢紅藥迎風早停杯君試聽莫道鶯聲老

剡溪

積雪滿空山夜靜溪流響幽人未啓門扁舟自來往



長安

君若問長安長安從此去江湖風浪多莫向花間住

又

莫道長安遠長安跬步前君看沙漠鴈來去自年年

閨情

夜雨窓前約春風江上船緘書腸欲斷何處酒家眠

旅興

泛泛同鄉客潯陽暫泊船月明沽酒盡相對不能眠

憶諸弟

別十年餘經春未得書夢多無定雁肥瘦近何如

難

難平石隱隱水落石差差莫言難石險最險是平時

和銅雀妓

一自分香後誰曾賣履來西陵春又盡桃李幾時開

秋怨

郎似花間月儂如葉上霜月移高樹去霜落舊根傷

口占贈遷戍者

松栢難培植茅茨苦蔓延未論霜雪後人意日憎憐

二

偶爾三秋繫悠然萬里行君看天上月一歲幾虧盈

三

莫向荊源住荊源路已通不如蓬島上來往一帆風

四

自有琅玕實何因羅網羅陽鳥出海底先照碧梧柯

江行聞鶻

九江流不盡中有巴山雨何處吊湘君空林聞桂宇

題畫

樓觀參差起烟霞縹緲間不知天地外何處此江山

飯穎山解朝

玩世仍驚俗憂時更索居君才建安上吾道國風餘

逋仙

盡道孤山好梅花得此翁羅浮千萬樹清詠許誰同

卽事

紫極塵如霧銀潢浪似山祇聞驅馬去不見棹舟還

嘗醋齧

染指各攢眉搥手不容口寧知調鼎人鼻吸至三斗

三笑圖

義府深叵測士龍淺難忍莫更虎溪狂萬事且微哂

攄懷

短短秧初綠踈踈麥未黃如何春後雨只是在垂楊

雪菊

是歲十月十一日盛雪菊花甚佳

久訝凌霜瘦俄驚帶雪肥  
黃葩兼紫艷一白是還非

春懷

昨夜東風急塵多曉起遲  
呼童問桃李吹折最高枝

素扇

素魄騰滄海微薰溽碧空  
期君清暑殿解慍萬方同

閨懷

粧罷慵收鏡煩君更畫眉  
只愁重會日不似別君時

四景

春耕莘野雨夏釣渭濱風  
秋牧華山草冬樵嶽嶺松

四喜

唐虞逢盛世孔孟得真傳二老無虞日群生大有年

梁楚遊

秋雨鷄聲月春濤馬足塵那知行路客不是故鄉人

四香

梅蘭蓮菊

庾嶺孤根在寒深雪更培春風不相識忽自送香來

又

空谷深如許幽葩也自敷不知桃李逕曾有此香無

又

麗質原無染亭亭鑑綠漪風清香更遠惟有道人知

又

粲粲東籬下霜餘色更妍  
淵明香滿把留取釀清泉

省愆

縲紲非其罪干戈省厥躬  
下車勞聖主辭醴愧諸公

線香筆

此類非中山龍涎來海外  
落紙散雲煙猶有餘香在

片瓦硯

舊質墮鴛鴦新眼穿鴈鴒  
何慙未央宮貯墨有餘綠

繩衣架

掛繩兩楹間離地三尺許  
未誇一木支能使衆衣舉

磚香爐

龕壁竅其中炷熏薦清楚香霧曉網縕未羨博山古

雜思

投棗終成怒殘桃始見憐鸞膠那可續別鶴自無絃

又

隕石終難起頽波可暫留采蓮溪上柳空繫木蘭舟

雜題

旅泊雲山下江流接海濱不辭風更雨恐阻問津人

又

書屋藏春樹扁舟倚夕曛那知江上水不是洞中雲



夜坐

夜坐關千慮何人夢獨醒  
隔窓疑有雨風閃讀書燈

秋意

窓下琴書靜釣簾玩月華  
坐久爐薰歛微風動桂花

二

問訊東籬菊秋深幾度開  
獨橫青眼望不見白衣來

三

水落漁汀出溪清釣石高  
秋風知此興日日薦霜螯

四

蟋蟀聞秋雨更聞語不休  
綈袍猶未辦何日獻功裘

登樓

章貢天邊去，群山曉霧開。  
如何樓上望，只見鳳凰臺。

團扇

團扇引風涼，涼風妬團扇。  
莫嫌長信宮，終勝昭陽殿。

結廬

結廬羨山阿，寄目雲林杪。  
秋風落葉深，古道人行少。

晚憇柳堤有懷

垂楊夾古隄，蟬聲亂如雨。  
雲開見方山，懷人久凝佇。

六言

花

一 南 第 集 卷 十  
七  
一 七  
春半春前春後花紅花白花黃半吐半開半落堪憐堪賞  
堪傷

題扇

明月飛來掌握清風透入襟懷殘暑笑驅酷吏微涼歌阜  
民財

匡廬

西北幾層烟樹東南一片雲濤只道九江地迥不知五老  
天高

觀書偶作

中立案前兩肘子韶窓下雙趺但使此心澄澈不妨老眼

糝糊

七言絕句

贈道士

黃鶴仙人白兔翁  
紫髯蒼鬢碧方瞳  
孤雲片月閒來往  
家在蓬萊第幾峰

見月有懷卓兄選兄

登高望遠惜離群  
目盡天涯不見雲  
解事獨憐今夜月  
與君千里共金樽

又

裊裊秋風入帳紗  
疑君今夜夢還家  
起來踏遍堦前月

片清霜浸菊花

採蓮曲

江上相逢並綵舟  
滄浪歌罷更夷猶  
明朝何處來相訪  
家在蓮塘阿那頭

楊柳詞

江頭楊柳謾紛紛  
不與離人綰斷魂  
願作浮萍流水去  
東西南北正隨君

又

晴腰袅娜露眉濃  
拂檻遮簷思萬重  
縱使君前攀折盡  
也勝零落向秋風

送奎弟

白雲西望楚天長  
况復秋風送鴈行  
年少未經離別苦  
不知斷盡老兄腸

又

仕路隨親二十年  
寸心壅滯尚依然  
但期諸弟承清白  
不要鄰家負郭田

竹枝詞

十二珠簾拂地垂  
綺窓終日不曾窺  
梅花欲報春消息  
時遣風來座上吹

二

娟娟明月鏡臺前  
藹藹晴雲綉閣邊  
雲比儂衣雲易散  
月如儂貌月難圓

三

雙親愛女重如玳  
奴愛奴身重似親  
閉月幽窗圍翠幄  
凌波新襪避芳塵

四

南山日日鷓鴣飛  
北山夜夜杜鵑啼  
藉似鷓鴣飛不去  
杜鵑啼殺幾時歸

五

女奴遙指虎丘山  
樓閣層層紫翠間  
擬與真娘薦芳芷

愁無處避遊驂

六

山色青青拂翠蛾湖光歛  
艷染春羅可憐年少誰家女却  
掉輕舟採芰荷

七

新買樓船繫水濱船頭日日賽  
龍神阿哥要渡錢塘去怕  
說風濤愁殺人

八

錢塘潮上雪山傾伍相千年恨未平  
莫向五湖誇倩麗西  
施一點洗難清



題友人四圖

春夢覺來聞急雨，惜花心性苦煎熬。起來倚遍闌干曲，到得梳粧日已高。

二

月明如晝映前墀，坐久寒生禁漏遲。肯向黃姑問清淺，此心惟有素娥知。

二

玉盤迎月注清泉，粧鏡無塵影倒懸。素手掬來光不定，似將圓處又難圓。

四

春來常日玩芳菲，勾引餘香滿袖歸。  
蜂蝶誤疑花是鏡，中猶自傍人飛。

春遊

竹裏桃花分外紅，匆匆一見幾春風。  
遊人爲想題詩處，每過橋西信玉驄。

孔明

八陣堂堂佐渭濱，將才千古更無倫。  
若教巾幗含羞死，誰作他年滅魏人。

吳隱之

貪泉千古變廉泉，洗滌如公自可賢。  
何事番禺三日火，竟

無一滴到閭閻

秦檜

偃月堂深宋社墟中原無地泣包胥施全計出胡銓上邦  
恨當時劍術疎

又

十二金牌走電光長城自壞獨鏤郿女真飲至論功日秦  
檜宜封兩國王

檜嘗封兩國公不受蓋有所憚也

楊妃

錦祿宮中戲太真祿兒真比壽王親溫泉流盡宮前水不  
洗當時一點塵

廣成

一訪崆峒世晏然空山遺迹尚千年  
後來幾度勞清問不是談空是說玄

朱買臣

山婦寧知太守賢  
樵蘇聊復理殘編  
下帷若似江都相  
莊助如何得比肩

書感

桑棗林中河水流  
兩三家住一荒洲  
春來牟麥飄零盡  
殘喘何因度九秋

又

荒盡田園去住輕不知何處可逃生書生未辦青州粟忍  
向船頭聽哭聲

志恨

廿年揮淚遍天涯幾口相親十木麻說說神仙堪度世不  
知地下却成家

次白沙寄仁興韻

吾道風前寄一燈幾人愚魯似顏曾泰山頂絕乾坤小莫  
落諸峰第二層

二

曉案迎曦夜榻燈祇將溫飽覓壬酉要隨白石齋中老子

伊危梯更一層

三

佛氏今傳無盡燈  
孔門千古幾玄曾  
不知方寸關齊治  
咫尺雲山萬萬層

看一峰詩口占

莫欺瘦骨小巉巖  
炯炯雙眸四海間  
得失近來渾忘却  
一壺春酒醉希顏

見梅子

風日甘甜梅子青  
小園常日醉還醒  
傍人欲問調羹事  
樹底黃鸝喚不應

早秋

砧杵誰家理故裘  
西風涼冷獨知秋  
南樓倚遍闌干外  
一片月明如水流

早朝

城頭楊柳尚棲鴉  
瘦馬來趨玉殿衙  
明月滿街霜似雪  
只疑清影是梅花

銅雀臺

臺前猶是漢山河  
臺上仍非晉綺羅  
金雀不歸遺事在  
殘磚爭柰汗青多

汴都

黃河曾遶汴西東  
新柳成行舊堞空  
三百年來經幾戰  
兒童猶唱宋仁宗

堆金塚

牧野當年恨倒戈  
堆金新塚更嵯峨  
鄴都道士憑誰問  
胡鬼曾如漢鬼多

邯鄲

夢中說夢轉生疑  
仙外來仙亦太癡  
借問邯鄲道中客  
青驢適意幾人知

務農

驄馬原非索負租  
柴門緣底費傳呼  
野人不是趨迎慢  
蚕



老麥黃苗正鋤

夜題三鳳泉

荒村歷盡抵僧房  
三鳳泉頭笋飯香  
只恐天明驅馬去  
夜籌燈火聽淋浪

黑鹿山祈雨

石磴攀緣草樹中  
碧潭幽廟倚危峰  
我來應被山靈笑  
霖雨何時起臥龍

城南觀雨

風翻庭樹聲初歇  
雲擁遙山勢欲飛  
好雨一犁看不厭  
野人門外粟苗肥

曉雨自中湖至平羅小憩

草樹蒙茸麥穗微，鄉民曾識使君稀。  
朝來幾點西山雨，應恐輕塵送馬蹄。

喜雨

秋旱四郊猶赤土，晚炊何處更清烟。  
夢中忽聽淋淋雨，疑是簫韶奏九天。

偶興

驪珠一顆波心月，碧玉千尋雨後山。  
樓子數層書一卷，無人知我道心閑。

賞雨

魯公謾說觀雲物，庾老徒知玩月華。何似共城來賞雨，一犁春滿萬人家。

春思

桃李風前又一春，紛紛車馬隔紅塵。獨憐今日看花伴，不是當年種樹人。

夜坐

銀河耿耿夜漫漫，瀉作銅壺瀾不乾。遙憶共城明月下，有人翹首望長安。

衛郡歸作

嘗厭塵埃撲馬鞍，此行風雪不知寒。火行玉亥青霄上，洗

市平生鐵肺肝

志兒歿粥小婢掇榆爲蔬戲作

使寧辭室磬懸齋厨新火煮清泉春來榆樹沿城綠一  
日何妨食萬錢

乞米

自笑無能樂有餘近來停俸爲征輸午窓志子誇能事臨  
德顏公乞米書

和白沙先生炒蜆韻

黃雲不雲山曉晴白沙無雨暮江清炒蜆江門對高第可  
無餘滴到蒼生

北行乏資貸於石二尹書此爲質

稱貸爲裝自嘆予俸資君亦豈贏餘多慚鮑叔分金意聊  
質顏公乞米書

風雪趨衛郡

昨夜黑風吹倒山雪花一尺馬啼間丈夫報國心無已擬  
擺銀鞍度玉關

共城八景留別席間作

方山屏擁

方山回望翠屏新幾歲城中作主人今日蘇門一樽酒方  
山爲主我爲賓

原水珠躍

百泉流水萬珠璣  
一顆珠璣勸一卮  
此水莫嫌流去遠  
直將群水會京師

晉祠耕耘

晉祠一水流碧玉  
衛田千頃熟黃金  
我行更祝祠前水  
常與蒼生作傅霖

雲門舟楫

雲門南下萬舟航  
南北東西萬里長  
猶有孤蓬繫林樾  
天風同看曉帆張

東山縱牧

東山日上草如烟幾處牛羊趁草眠如此牛羊如此地不知誰比距心賢

西嶂歸樵

斫月挑雲下碧空曉來新桂滿城中停車試問腰斤客恐有奇材臥遠峯

邵窩清風

傳得羲皇未畫圖清風千古此山隅微言却許魚樵對還許共城舊令無

共臺峻節

共姜臺上三秋月照見共姜千古心我向臺前理行棹月

明又照百泉深

別輝東諸同寅

扁舟乘醉下雲門  
忘却王村又李屯  
日暮方山雲外立  
不勝惆悵憶諸君

乙丑除夜寓恒山憲臺

元日叨隨奉引班  
奉天咫尺對龍顏  
不堪此夜思前事  
便似貞觀慶曆間

丙寅十月寫懷

時在瑾用事

木脫山空水不流  
荒郊斜日倚危樓  
憑將賈傅縱橫淚  
一洗胷中萬斛愁



夢中題梅

孤根自與陽和得雅操更於霜雪宜一任高樓吹鉄笛此  
香原不受風欺

歸興

道上東風吹柳花扁舟歸客興無涯開樽取醉掀蓬坐閑  
看清江浣白沙

晚泊

江樹侵雲水沒沙短籬茅屋兩三家歸舟晚繫黃泥峽看  
盡風帆出浪花

春興

昨日春陰泥落花新晴聊復問隣家兒童走報溪添水楊柳堤邊失釣沙

戲題濯足圖是夕被逮

楊柳堤邊溪水清濯纓歌罷太狂生脚根自昔無塵洗牛口先生莫混驚

用韻戲答耳鳴

獄中作

羊腸世路幾崔嵬輾轉車聲午夢回自是塵根消不盡耳中何處有春雷

獄中偶書

小步庭堦惜徑苔晚來微雨洗浮埃平生最愛芝蘭好誰

遣春香入禁來

獄中次韻任廷替時祭有感

野蕨抽拳笋脫胎歸心聊付望鄉臺  
可憐俎豆庭前月空照千山杜宇哀

次韻留別諸君

時連放還

雲搖屋角松聲急月掛庭心鶴夢閑  
聽珮知君定回首短蓑吾已度千山

次韻酬地官忠

春雨多情碎落花香泥狼藉燕成家  
故山松老未歸去流水爭如客思賒

被寇書感

亂後江山花劫塵故園花柳不成春  
親朋半在形骸履相見渾如隔世人

題畫留別

樹杪闌干曉幔青江心風浪夜龍醒  
故人獨立蒼茫外目送飛帆過落星

起廢題畫

步出青山杖屨遙白雲回首寄丹青  
須知二老歸周路不比尋常駟馬橋

大梁城

大梁城上四無山  
渺渺高行百里間  
宋殿梁臺何處在  
黃河流盡鳥飛還

信陵君

信陵遺迹汴城濱  
馳馬求才愧後塵  
試問夷門抱關者  
只今屠犬是何人

宿瓜步有懷

鴈聲南斷惜離群  
酒醒蓬窻月半痕  
渺渺江湖重回首  
夷人何處賊停雲

來暘亭在蒲城東

鳥石山前着小亭  
東郊初日洗滄溟  
尚憐龍帶雲歸臥  
分

却壹山一半青

山壹却一半青

執齋先生文集卷一